



Ko te take o tēnei Whakarāpopoto Kaupapa Here hei whakamārama i ētahi o ngā āhuatanga matua o te Kaupapa Here.

He tirohanga whānui poto noa iho tēnei Whakarāpopoto Kaupapa Here, ā, kāore i te noho hei wāhanga o te kirimana ki waenganui i a koutou me mātou.

KIA ĀTA PĀNUITIA TE KAUPAPA HERE INA RIRO I A KOE.

Kei te Kaupapa Here tūturu te mōhiohio katoa, ā, kei te whakatakotoria ki reira ngā here.

Whakarāpopoto Kaupapa Here – Kaupapa Here Mate Pukupuku (Cancer Policy)

I tēnei Whakarāpopototanga Kaupapa Here, ko ngā kupu “mātou”, “tā mātou” me “tō mātou” ko te *American Income Life Insurance Company*, te kaiinihua i raro i te Kaupapa Here.

Ko te tikanga o ngā kupu “koe” me “tō/tāu/tōu” ko te tangata kua whakaingotia hei “Hunga Whai Inihua” ki te Tāpiritanga Kaupapa Here.

Kei te tukuna e te Kaupapa Here ngā āwhina mō te whakatau māuiui tuatahi o te Mate Pukupuku

Kei te inihuangia e te Kaupapa Here mō te wā tuatahi ka whakataua te Tangata Kapi ki te Mate Pukupuku.

Ka utua anake e mātou te āwhina hāngai mēnā ka whakatinanatia tuatahitia te Mate Pukupuku ā muri i ngā rangi e 30 tuatahi e hohe ana te Kaupapa Here. Ka “whakatinanatia” tuatahitia te Mate Pukupuku ina kitea he tohumate Mate Pukupuku mā reira te tangata matawhāiti noa e rapu whakatau māuiui, tiaki, whakamaimoatanga rānei.

Ā muri i aua rā e 30 tuatahi, ka utu mātou i te āwhina hāngai mēnā ka whakataua tuatahitia te Tangata Kapi ki te Mate Pukupuku ina mana ana te Kaupapa Here. Ko te tikanga o “mana” kāore anō kia mutu te kapi inihua.

Kei te whakatakotoria te rahi ka utua e mātou ki te Āpitianga Kaupapa Here. Ka hauruatia te rahi ka utua e mātou mēnā e whakatauria tuatahitia ana te Tangata Kapi ki te Mate Pukupuku whai muri i te huritau o te Kaupapa Here ka whai ā muri i tōna rā whānau e 65.

Ina utua e mātou te āwhina, ka mutu te inihua ki raro i te Kaupapa Here mō tērā Tangata Kapi.

E tohu ana mātou i a koe me ia mema whai inihua o tō whānau hei “Tangata Kapi”.

Kei a koe te tika hei whakakore i te Kaupapa Here i roto tonu i te 10 rā mahi

Ki te kōwhiri koe ki te whakakore i te Kaupapa Here i roto i te 10 rā mahi o te whiwhinga mai i a mātou, ka noho mātou, ka noho hoki koe ki te āhuatanga ōrite i tērā mēnā kāore i tukua he kaupapa here. Ina ka pērā, mā mātou e whakahoki ngā utu inihua kua utua e koe.



Ka taea tō whānau te inihua ki raro i te Kaupapa Here

Ka whakanau pea mātou ki te utu i ngā āwhina ki te kōrero mai koe i tētahi mea hē ki tō tono

Ka taea te whakakore i te Kaupapa Here mā te whakamōhio atu ki:

- a mātou, ki ā mātou taipitopito whakapā ki runga ake; tērā rānei
- te kaitohutohu *AIL o Aotearoa* nāna i hoko atu ki a koe.

Ki te whakakore koe i te Kaupapa Here ā muri i te 10 rā mahi o te whiwhi i tērā, kāore mātou e whakahoki i ngā utu inihua kua utua e koe.

Ko ngā mema o tō whānau ka taea te inihua ko:

- tāu hoa mārena, tāu hoa uniana ā-pāpori, tāu hoa moe māori rānei;
- āu tamariki i raro iho i te 19 tau te pakeke i te rā o te Kaupapa Here, kāore anō kia mārena, i roto i tētahi uniana ā-pāpori, i roto rānei i tētahi hononga moe māori rānei, ā, e whakawhirinaki ana ki a koe mō te tautoko.

Engari ki ia kēhi, kia inihuanga ai me mātua whakaingoa rātou ki te tono, me tāpiri rānei ki te Kaupapa Here i muri i te tukunga. E hāngai ana ki tā mātou whakaaetanga te kapi mō ērā atu tāngata whirinaki.

Kei te Kaupapa Here ētahi whakaritenga taipitopito mō te mutunga o te inihua mō ngā mema whānau i raro i te Kaupapa Here. Kei roto i ēnei whakaritenga hei tauira, ka ahatia ā muri i te taenga a tō tamaiti kia 21 tau te pakeke.

Ki te kōrero mai koe i tētahi mea hē ki tō tono mō te Kaupapa Here (ka waiho rānei i tētahi mea), i roto i ngā tau e rua tuatahi ka pēnei pea mātou (ina whakaaetia e te ture):

- ka whakakore, whakakore i te mana rānei o te Kaupapa Here; ā,
- ka whakanau ki te utu i ngā kerēme ka tukuna e koe.

Ā muri i te hipanga o taua rua tau, kāore mātou e whakakore, e whakakore i te mana rānei o te Kaupapa Here, te whakanau rānei ki te utu i ētahi kerēme mēnā i kōrero mai koe i tētahi mea hē ki tō tono (i waiho rānei i tētahi mea). Ka pēnei ki te kore koe i tinihanga i tāu whakamahi pērā.



Kāore mātou e utu i tētahi āwhina ki te pā ētahi āhuatanga

Me mātua utu ngā utu inihua auau

Ka whakahou aunoatia te Kaupapa Here

Ka pēhea tō tuku kerēme

Ka utua e mātou tētahi āwhina ki raro i te Kaupapa Here mō ētahi momo mate pukupuku anake. Hei tauira, **kāore** ngā momo mate pukupuku e whai ake nei e inihuangia ana i raro i te Kaupapa Here:

- te mate pukupuku ā-kiri;
- carcinoma in situ;
- te wāhanga 1 o te tahumaero Hodgkin's;
- te wāhanga A o te mate pukupuku repe tātea; ā,
- ētahi momo tonapuku (melanoma) kua whakatakotia i te Kaupapa Here.

Kāore mātou e utu i te āwhina mēnā ka tukuna te whakatau māuiui tuatahi o te Mate Pukupuku i waho i Aotearoa, i Ahitereiria, i Ngā Whenua Tōpū o Amerika rānei.

Me mātua utu ngā utu inihua auau ki a mātou kia pupuritia tonutia ai te mana o te Kaupapa Here. Kei te whakatakotia te rahi o ngā utu inihua ki te Āpitianga Kaupapa Here.

Mēnā kāore anō kia utua te utu i mua i te rā me utu, ka whakaaetia e mātou e 31 ngā rā kia utua te utu inihua.

Ko te kī taurangi ka taea te Kaupapa Here te whakahou tae atu kia 80 tau tō pakeke. Ka pēnei mēnā ka utua ngā utu inihua, ā, ka whakatutukihia ō kawenga i raro i te Kaupapa Here. I te roanga o te wā e mana ana te Kaupapa Here, ā, e whakatutukihia ana ō kawenga i raro i te Kaupapa Here, e kore e taea e mātou te whakakore i te Kaupapa Here, te whakatakoto rānei i ētahi atu here tāpiri ki runga.

Kei a mātou te tika ki te panoni i ngā rahi utu inihua whakahou mō te Kaupapa Here. Ka pā te panoni pēnei ki ngā kaupapa here katoa i Aotearoa he ōrite te āhua o te Kaupapa Here. Ka tukuna te pānu i o te panoni ki a koe i te 31 rā i mua.

Me mātua whakamōhio mai koe i a mātou (i tētahi kaitohutohu o *AIL o Aotearoa* rānei), mā te tuhituhi, mō tētahi kerēme i roto tonu i te 60 rā mai i te whakatau māuiui tuatahi o te Mate Pukupuku, i te wā tata rawa ka taea rānei ā muri i taua wā.

Mā mātou e tuku ētahi puka kerēme ki a koe hei whakaoti ina whakamōhio mai koe i a mātou mō tō kerēme.

Me whakaoti e koe ngā puka kerēme, ā, me whakahoki mai ki a mātou (ki tētahi kaitohutohu o *AIL o Aotearoa* rānei), me te rau atu i ngā mōhiohio rongoā tautoko e hiahiatia ana. Me pēnei koe i roto tonu i te 90 rā o te rā o te whakatau māuiui tuatahi o te Mate Pukupuku. Ki te kore e taea te whakaoti me te whakahoki i ngā puka i roto i tēnei here wā, tērā pea ka whai wā anō koe kia mahi pēnei (e ai ki te kōrero ki te Kaupapa Here).

Ka utua e mātou ngā āwhina i raro i te Kaupapa Here ina whiwhi mātou i te whakatūturutanga ā-tuhi o te whakatau māuiui tuatahi o te Mate Pukupuku.